



Шариат талабига мувофик холда сўйилган чорва хайвонларидан олинадиган ширдондан фойдаланишнинг бирон-бир муаммоли томони йўқ. Лекин бугунги кунда бозорларимизга номусулмон мамлакатлардан кириб келаётган, таркибида корамол ширдони бўлган пишлоклар ниҳоятда кўп. Айти холат биз мусулмонлар мана шундай пишлокни истеъмол қилсак бўладими ёки йўқми деган саволни келтириб чиқармоқда.

Таркибига ношаръий сўйилган хайвонлардан олинган ширдон кўшилган пишлок "Ал-Мугний" китобида (1/3) изоҳ билан келтирилганига кўра, Имом Аҳмад наздида жоиздир. Мусулмонлар мажусийлар ва улардан бошқа номусулмонлардан олиб келтириладиган пишлокни истеъмол қилишга одатланганлар.

Бу борада илм ахли икки хил фикрдалар:

Жумхур (кўпчилик) уламоларнинг фикрига кўра, бундай ширдон нопокдир (Мурожаат учун манбалар: "Ал-Кавонийн ал-Фикхийах", 121-саҳифа; "Ал-Мажмуъ", 2/588; "Ниҳаятул-Мухтаж", 1/244; "Шарху Мунтахо ал-Иродот", 1/31; "Ал-Инсоф", 92/1; "Ал-Иқноъ", 1/1). Улар унинг нопок эканига сабаб қилиб бундай ширдон олинадиган жой -

ношаръий сўйилган хайвон ошкозонининг нопок эканини айтишади. Уларнинг сўзларига караганда, ўз аслига кўра окувчи бўлган модда (суюклик) нопок нарсага текканида ўзи ҳам нопокка айланади. Имом Нававий шундай деганлар: "Бу хайвоннинг бир аъзосидир. Шундай экан, у хайвоннинг колган барча аъзолари каби нопокдир".

Бошка бир фикрга кўра, бу каби ширдон покдир. Бу фикр Умар, Салмон Форсий, Талха, Хусайн ибн Али ва бошка бир ганча сахобий ва тобеинлардан ривоят килинган. Шунингдек, Ханафий мазхаби, Имом Ахмаддан бўлган бир ривоят ва Ибн Таймийянинг фикрлари ҳам шундай (Мурожаат учун манбалар: "Бадоеъ-ус-Саноеъ", 1/63; "Ал-Бахрур-Роик", 1/112; "Табйинул-Хакоик", 1/26; Ал-Жассоснинг "Ихкомул-Куръон" и, 1/168; "Ал-Мабсут", 24/27-28; "Мажмуъул-Фатово", 21/102).

"Ал-Мугний" номли китобларида Ибн Кудома шундай деб ёзадилар: "Кимдир Имом Ахмаддан пишлоқ хакида сўради. Шунда Имом шундай жавоб килдилар: "Унинг исталганидан (шаръий ёки ношаръий сўйилган хайвоннинг ширдони кўшилганидан - тарж.) ейиши мумкин". Бирок, у киши мажусийлар тайёрлайдиган пишлоқ хакида сўралганларида: "Мен билмайман. Лекин Аъмашдан ривоят килинган бир сахих хадисда Амр ибн Шархабийл: "Умар ношаръий сўйилган хайвон ширдони ва у кўшилган пишлоқ хакида сўралдилар. Умар у кишига Аллох номини зикр этишни, сўнг эса уни ейишни буюрдилар" деган", - деб айтдилар".

Улар хужжат килиб куйидагиларни келтиришади:

1. Ибн Абу Шайба (5/130) ва Абдур-Раззок (4/538) томонидан юкарида зикр этилган Аъмаш оркали ривоят килинган хадис. Ушбу хадиснинг санади мутлако сахихдир. Имом Ахмад: "Бу айни мавзудаги энг тўғри хадисдир", деб айтганлар;
2. Ибн Абу Шайбанинг ривояти (5/131). Унга кўра, Талха ўз пичокларини пишлоқ устига кўйиб, Аллох исмини зикр этар, сўнг уни кесиб ер эдилар. Бу ҳам санади сахих хадисдир;
3. Ибн Абу Шайбанинг Вакиъ оркали килган ривояти. Унга кўра, Хасан ибн Алий пишлоқ хакида сўралдилар. У киши шундай жавоб килдилар: "Бу жоиз, факат унинг устига пичокни кўй, Аллох номини зикр эт, кейин еявер". Ушбу асарнинг Жахш ибн Зайддан бошка барча ровийлари ишончли кишилардир;
4. Имом Термизий (1726-хадис) ва Ибн Можжах (3367-хадис) ривоятлари: "Бизга Исмоил ибн Мусо ал-Фазарийнинг Салмон (Форсий) дан ривоят килишича, Пайгамбар саллаллоху алайхи ва салламдан эритилган ёғ (одатда сигир сутидан тайёрланади), пишлоқ ва тери хакида сўралди. У киши шундай деб жавоб бердилар: "Халол нарсалар Аллохнинг Китобида халол деб зикр килинган нарсалардир. Харом нарсалар ҳам Аллохнинг Китобида харом деб зикр килинган нарсалардир. У ерда зикр этилмаган нарсалар эса мувох нарсалардир"". Бу хадис заиф. Ибн Абу Шайба ўзининг "Ал-Мусаннаф" номли китобида келтиришича (8/98), у киши Вакиъдан Салмон Форсийнинг ходими Суваййид оркали эшитган хабарда шундай дейилади: "Биз Мадоин жангида голиб бўлганимиздан сўнг Салмон айтдилар: "Биз ичида тўрт бўлак ажойиб нони, пишлоқ ва бир пичок бўлган сават топиб олдик. Кейин Салмон пичокни олдилар ва пишлоқни кесдилар. Сўнг эса: "Аллохнинг номини зикр кил ва е", - дедилар". Бу хадиснинг санади заиф.

5. Улар айтадиларки, сут ва ширдон хайвон ўлганидан сўнг нопок бўлмайди ва тирик жонивордан олинган хар кандай нарса ўлимтик хукмидадир. Шундай экан, мазкур ўринларда сут халол бўлгани каби ширдон ҳам халолдир.

Ибн Таймийя айтадилар: Ношаръий сўйилган хайвоннинг сути ва ширдони борасида уламолардан икки хил сўз бор. Бирига кўра, у халолдир. Бу сўзга Абу Ханифа ва у кишидан бошқалар юришган, жумладан, Имом Ахмаддан килинган бир ривоят ҳам шунга мувофик. Бошка сўзга кўра, у нопокдир. Бу Молик, Шофеъийнинг сўзлари бўлиб, бунга Имом Ахмаддан ривоят килинган бошка фикр ҳам мувофик келади.

Ушбу ихтилоф сўйган жонликлари бутунлай ношаръий эканига билиттифок бўлинган мажусийлардан олиб келинган пишлок борасида юзага келди. Модомики, ношаръий сўйилган хайвонларнинг сути халол экан, сахобийлар ҳам Ирок жангидан сўнг уларнинг пишлогидан еган эканлар, мен уларнинг пишлокларини халол деб биламан. Бу нарса бизга ўша замонлардан сахих ривоятлар билан етиб келган.

Баъзи хижозликлар пишлокни хуш кўрмайдилар деган заиф ривоятлар бор, бироқ улар ишончли эмас. Ирок халки бу борада бошқалардан кўра ишончлироқдирлар. Чунки улар ўша ерда яшайдилар ва мажусийларни бевосита биладилар. Салмон Форсий хазрати Умарнинг ўша минтақадаги волийлари бўлганлар ва у киши мажусийларнинг пишлогини халол деб билганлар.

Энди агар "окувчи нарса нопок жойга тегса - нопокка айланади" деган далилга келсак, бизнинг бу борадаги жавобимиз шуки, окувчи нарсанинг пок экани суннатдан маълум. Яна шуни ҳам айтамикки, гарчи у нопок жойга тегса ҳам зарари йўқ. Аллох айтади: "Дарвоқеъ, сизлар учун чорва хайвонларида ҳам ибрат бордир: сизларни уларнинг коринларидаги нажосат ва кон ораларидан чикувчи, (лекин) ичувчилар учун иштахали тоза сут билан сугурармикки". ("Нахл" сураси, 66-оят.) Мана шунга кўра ёш боланинг танасида нима бор-йўклигидан катъий назар, ибодат вақтида уни кўтариб туриш ҳам жоиз бўлади. Аллох яхшироқ билувчидир.

Юкоридаги далиллар эътибори билан мен пишлок ейишни жоиз деб биламан. Гарчи унга кўшилган ширдон ношаръий сўйилган жонликдан олинган бўлса ҳам, зарари йўқдир.

Аллох яхшироқ билувчи Зотдир.

Шайх Салмон ал-Авда
(Саудия Арабистони)